

Alkitab Sagan Kakanakan

Mengenal akan



Anak binian
nang Hidup
Dua Kali



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Yairus adalah saurang pamimpin gereja Yahudi nang manyambah Tuhan lawan mangajarakan Firman Tuhan ka urang-urang lain. Pas hari ngintu, masalah nang mangarikan manimpa Yairus.



Anaknya nang takasih, nang hanyar baumur dua walas tahun, sakit. Kalihatannya kada ada saurangpun nang bisa manulungnya. Sakitnya parah banar. Yairus tahu anak biniannya pacangan mati.



Sabuting urang haja nang kawa manulung anak binian Yairus. Yairus tulak hagan mancari Yesus lawan mambawaNya babulik ka rumahnya.



Yairus tahu amun kawan-kawan gerejanya kada pacangan satuju lawan Yesus. Tapi Yairus kada paduli. Inya harus mandapatakan partolongan sacapatnya sabalum anak biniannya mati.





Yairus
tatamu Yesus
dikelilingi ulih
urang-urang.
Inya
tasungkur di
batis Yesus.



"Anakku binian rahat
tabaring sakit, parak
mati,"



urang nang
pagat asa
ngintu
mamuhun.
"Datanglah ka
rumahku lawan
andaklah
tanganMu atas
inya supaya
inya selamat,
lawan inya
tatap hidup."





Yesus tulak lawan Yairus. Tapi buhannya kada kawa bagarak lakas ulih banyaknya urang. Ada saurang binian nang garing salawas dua walas tahun. Inya sudah tulak ka sabarataan duktur (lawan mahabisakan sabarataan duitnya) kada mandapatakan partolongan. Oh, handak banar inya batamu Yesus!





Napa nang bisa dilakuakan ulih binian ngintu? "Asal kujamah haja jubahNya, aku pacangan wagas," binian itu bagarumu. Inya maju baparak Yesus, salanjutnya, inya mangulurakan tangannya, inya manjapai jubah Yesus.





Mujizat! Mujizat!
Binian ngintu wagas.
Lakasi! Samunyaan!
Inya tahu inya wagas lawan
kuat. Tapi imbah sabuting
suara tadangar. "Siapa nang
manjamah Aku?" Yesu
batakun. Banyak urang
manjamahNya. Tapi binian
nang diwagasakan ngintu tahu
Yesus handak inya maucapkan
ka Yesus tantang hal ngini.
Pas ngintu jua inya
mangisahakan samunyaan
ka Yesus.



Imbah ngintu, palayan-palayan datang
matan kadiaman Yairus. Muha buhannya handak
maucapakan kisah nang sadih sabalum baucap.

"Anak binianmu sudah
mati!" buhannya
bapadah ka Yairus.
Mati! Sudah talambat.
Amun binian ngintu kada
manunda parjalanan ngintu
... luku, jaka ... Mati! Anak
binian Yairus nang
berharga sudah tulak.



Pas Yesus mandangar hal ngintu, Inya manjawab, "Jangan takut, parcaya haja, lawan inya pacangan wagas!" Kayapa ngalihnya hagan Yairus hagan mamparcayai Yesus. Anak biniannya sudah mati.



Di rumah, sating urang manangis lawan maratap hagan gadis halus ngintu. "Inya kada mati, tapi guring," Yesus baucap ka buhannya. Buhannya

manawaakan Yesus. Buhannya tahu gadis ngintu sudah mati.



Yesus manyuruh buhanya samunyaan kaluar,
imbahtu mamingkuti tangan anak ngintu lawan
baucap. "Gadis halus,
bangunlah!"



Yairus ada di situ. Bininya jua ada di situ. Talu matan murid-murid Yesus jua ada di situ. Buhannya samunyaan mandangar ucapan Yesus. Pacangankah gadis halus nang sudah manti ngintu mandangar buhannya jua?



Gadis halus nang sudah mati
ngintu mandangar
parintah Yesus!
Ruhnya babulik,
lawan inya lakas
bangun.



Urang tuha gadis ngintu kehiranan. Yesus maucapakan ka buhannya hagan mambari makan gadis ngintu. Liwar bahagianya buhannya, liwar haratnya Yesus. KasihNya nang luar biasa lawan kuasaNya mambawa anak buhannya babulik matan kamatian.



Anak binian nang Hidup Dua Kali

Sabuting kisah matan Firman Tuhan, Alkitab

Taulih dalam

Markus 5; Lukas 8

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

